

Na osnovu člana 14., stava 5. Zakona o stočarstvu ("Službene novine Federacije BiH", broj 66/13), federalni ministar poljoprivrede, vodoprivrede i šumarstva donosi

PRAVILNIK O SADRŽAJU PRIJAVE I POSTUPKU PRIZNAVANJA NOVIH PASMINA, SOJEVA I HIBRIDA

PRVI DIO - OPĆE ODREDBE

Član 1.

(Predmet pravilnika)

Ovim Pravilnikom propisuje se sadržaj prijave za priznavanje novih pasmina, sojeva i hibrida domaćih životinja, postupci priznavanja i ispitivanja novih pasmina, sojeva i hibrida domaćih životinja.

Član 2.

(Nove pasmine, sojevi i hibridi)

- (1) Pasma, soj i hibrid se smatraju novim ako na dan podnošenja prijave za njihovo priznavanje nisu upisane u Registar pasmina, sojeva i hibrida (u daljnjem tekstu: Registar), koje se uzgajaju u Federaciji BiH, kojeg vodi Federalno ministarstvo poljoprivrede, vodoprivrede i šumarstva (u daljnjem tekstu: Federalno ministarstvo).
- (2) Prijava iz stava (1) ovog člana nalazi se u prilogu ovog pravilnika i čini njegov sastavni dio.

DRUGI DIO - PRIJAVA ZA PRIZNAVANJE

Član 3.

(Uslovi za priznavanje)

- (1) Za priznavanje novih pasmina, sojeva i hibrida domaćih životinja moraju se zadovoljiti sljedeći uslovi:
 - a) proizvodne i morfološke osobine pasmine i soja domaćih životinja ne smiju se značajnije mijenjati najmanje tri zadnje generacije,
 - b) da imaju vidljive osobine koje ih razlikuju od drugih pasmina, sojeva i hibrida unutar vrste kojoj pripadaju,
 - c) da su geografski određene i ograničene,
 - d) da su prilagođene uslovima uzgoja na određenom geografskom području,
 - e) da postoji značajna genetska udaljenost do drugih srodnih pasmina, sojeva i hibrida,
 - f) da je efektivna veličina populacije najmanje 50.

Član 4.
(Sadržaj prijave)

(1) Prijava za priznavanje nove pasmine, soja ili hibrida podnosi se Federalnom ministarstvu. Prijava mora sadržavati sljedeće podatke:

- a) ime, adresu i pravni oblik podnosioca prijave,
- b) opis pasmine, soja i hibrida, koji sadrži podatke o:
 - broju muških i ženskih grla,
 - tjelesnim mjerama,
 - tjelesnoj težini u odnosu na dob,
 - obliku (morfologiji) tijela,
 - proizvodnim osobinama (plodnosti, mliječnosti, prirastu, količini i kvalitetu mesa, sposobnosti preživljavanja itd.),
 - prilagođenosti okolini i klimatskim uslovima,
 - ishrani i tehnologiji uzgoja,
 - ostalim pojavama (sklonost bolestima, ostalim zdravstvenim poremećajima itd.).
- c) ocjenu proizvodnih vrijednosti i drugih obavljenih ispitivanja,
- d) potvrdu o priznavanju pasmine, soja ili hibrida izdanu od ovlaštene ustanove zemlje iz koje potječe, te podatke o njihovim osobinama.

TREĆI DIO - POSTUPCI PRIZNAVANJA

Član 5.
(Komisija)

- (1) Za priznavanje novih pasmina, sojeva i hibrida, praćenje provedbe njihova priznavanja, za davanje stručnih mišljenja i prijedloga ministar Federalnog ministarstva imenuje Komisiju za priznavanje pasmina, sojeva i hibrida (u daljnjem tekstu: Komisija).
- (2) Komisija se sastoji od pet članova.
- (3) Komisija donosi poslovnik kojim uređuje način svog rada.

Član 6.
(Postupci priznavanja)

- (1) Komisija razmatra podnesenu prijavu i obavještava podnosioca prijave o daljnjem postupku priznavanja.
- (2) Kada se podnesena prijava odnosi na priznavanje nove pasmine, soja ili hibrida koji nastaje u Federaciji BiH potrebno je provesti ispitivanja.
- (3) Podnosilac zahtjeva za priznavanje nove pasmine, soja i hibrida ugovara sa

ovlaštenom ustanovom provođenje propisanih postupaka ispitivanja.

- (4) Za provedbu ispitivanja podnosilac zahtjeva snosi troškove.
- (5) Ako za pasminu, soj i hibrid već postoje podaci o njihovom priznavanju izdani od ovlaštene ustanove zemlje iz koje potiču, te ostali podaci o osobinama spomenute pasmine, soja i hibrida Komisija će uvidom u navedeno utvrditi mogućnost njihova priznavanja.

Član 7.

(Elementi za ispitivanje)

- (1) Ispitivanja za priznavanje nove pasmine, soja ili hibrida domaćih životinja određene ovim Pravilnikom provodi ovlaštena ustanova.
- (2) Ispitivanjima se moraju odrediti proizvodne osobine, parametri prepoznatljivosti, odnosno razlikovanja pasmina, sojeva i hibrida, mogućnosti utvrđivanja njihove ujednačenosti i postojanosti uzimajući u obzir i osobine potrebne za njihovo privredno iskorištavanje.

Član 8.

(Ispitivanja)

- (1) Prilikom postupka priznavanja nove pasmine, soja i hibrida ovlaštena ustanova provodi sljedeća ispitivanja:
 - a) usporednu analizu tjelesnih mjera, tjelesne težine i oblika (morfologije) tijela i njihove razlike u najmanje tri zadnje generacije za pasminu,
 - b) analize proizvodnih osobina (plodnosti, mliječnosti, prirasta, količine i kvaliteta mesa, sposobnosti preživljavanja itd.),
 - c) mogućnosti prilagodbe na okolinu, klimatske uslove i ostale pojave (sklonost bolestima, ostalim zdravstvenim poremećajima itd.),
 - d) potvrđivanja značajnih genskih razlika s molekularnim metodama (DNA analiza).
- (2) Ako su podaci između populacije životinja za koju se prijava podnosi približno slični nekoj drugoj populaciji potrebno je obaviti dodatna ispitivanja za potvrđivanje njihove različitosti, odnosno sličnosti.

Član 9.

(Priznavanje pasmine)

- (1) Nakon završetka ispitivanja ovlaštena ustanova daje Komisiji završni izvještaj o prepoznatljivosti, ujednačenosti i postojanosti ispitivane pasmine, soja i hibrida, dobivene rezultate o njihovim uzgojnim i proizvodnim osobinama, te mišljenje o njihovom priznavanju.
- (2) Na osnovu mišljenja Komisija sastavlja zapisnik s prijedlogom o priznavanju pasmine, soja ili hibrida Federalnom ministarstvu koje izdaje rješenje o priznavanju.
- (3) Priznate pasmine, sojevi i hibridi upisuju se u Registar i objavljuju u Službenim novinama F BiH.

ČETVRTI DIO - ZAVRŠNE ODREDBE

Član 10. (Stupanje na snagu)

Ovaj Pravilnik stupa na snagu narednog dana od dana objave u "Službenim novinama Federacije BiH".

Broj:
januar, 2022. godine
Sarajevo

MINISTAR

mr. sci. Šemsudin Dedić

PRIJAVA
ZA PRIZNAVANJE NOVE PASMINE, SOJA ILI HIBRIDA

Naziv lica/pravnog lica:		
JIB(ako ima):		
Broj RPG i RK		
Opis pasmine, soja ili hibrida:	Vrsta životinje: _____ Smjer proizvodnje: _____ Boja: _____ Prosječna masa odraslih muških jedinki: _____ Prosječna masa odraslih ženskih jedinki: _____	
Broj grla u pasmini, soju ili hibridu po dobi:	M = _____ Ž = _____	
Eksterijerne mjere odrasla muška grla u cm: ¹	Visina grebena: Visina križa: Dužina trupa: Dubina grudi:	Dužina zdjelice: Širina zdjelice: Obim grudi: Obim cjevanice:
Eksterijerne mjere odrasla muška grla u cm: ¹	Visina grebena: Visina križa: Dužina trupa: Dubina grudi:	Dužina zdjelice: Širina zdjelice: Obim grudi: Obim cjevanice:
Geografsko porijeklo/lokacija na kojoj je pasmina, soj ili hibrid nastao: ²		
Datum podnošenja prijave:		
Ime i prezime odgovornog lica:		
Kontakt podaci:	Adresa: _____ Telefon: _____ Fax: _____ E-mail: _____ Web mail: _____	

¹ – Unijeti podatke koji se mjere u zavisnosti od vrste uzgajane životinje

² – opis treba da sadrži najviše 20 riječi